

Paladin Ikumaligijet Ltd. NamminiKalikkut nutângutluni Aurora-kunit

Decembara 17th, 2010-imi, Paladin Ikumaligijet Ltd. (Paladin) Kaujititsilaukkut pisisimanninginnik Aurora Ikumaligijet Kâjotsajannik namminigijanginnik pisitlutik Fronteer Goldingunigâttanik.

kinakkovân Paladin Ikumaligijet?

Paladin ilisimallagijut ammalu kenaujaKatsiatlutik nunatsualimâmi Kâjotsajannik ujananik aulatsiKattatlutik ammalu pivalliatitsiKattatlutik. IniKajut Perth, Australia-mi, kâmpaniujuk aulasimalikkut 20 jâret Kanitangani ammalu maggonik aulatsiKattavut ujananiatujunik Kâjotsajannik Africa-mi: Langer Heinrich iniKatlulni Namibia-mi ammalu Kaeyleker, Malawi-mi. Sepaungutluni anginippauKatauvuk sanajiutlutik Kâjotsajannik nunatsualimâmi. Paladinnikut namminigijangit ilautitsivuk sutaijattunik Kâjotsajannik suliangujunik Australia-mi ammalu Niger, Africa-mi. Tigusimmata Aurorakkut namminigijanginnik KikKangani Ujananiatausonik Labradorimi sakKititsivuk kâmpanikkut itigiamut Taggânnut America-mut.



SiKallevik Paladinnikut Kayeleker ujananiavinga ininga Malawi-mi.

Inligijinimmut ammalu avataliginimmut ilinniagiamut ilanguKatauvuk Paladinnikut tugâgutigitlugu kajusitsiagiamut ujanannimmut pivalliasiagiamut. “PivitsaKasimmata Aurorakkut suliaKaKatigigiangit suliaKatingit ammalu pulâgiatlutik aulatsijanginnik sakKititsiasimavuk Paladinnikut inigijanginnik sakKititsitlunillu angijualummik ikKanattoninganik ikilliumititsigiamik avatimmik attuigasuaKattangit ujanannimmut”, taimâk uKajuk Bruce Dumville, Aurorakkut Angajuk-Kânga ammalu Aulatsijinga. “kâmpanikkut 2009 nalunaikkutapvinga ilingajumut Avatik Aulatauningit Piusingita (ISO 14001:2004) iniKajumut Langer Heinrich ujananiavingani tainnatuinnauvuk atuttausongutluni ottogigitlugu sâlaKagiamut nunatsualimâmi Kâjotsajannik sivullet nunatsuangujuni malittaugialinnik ilingajunut Africami aulautujunut. Tâkkuningatsainak ilisimanginnik ammalu sulijugijanginnik sakKititsilangavut Michelin Suliangujumut Labradorimut.”

Ilangautluni Avatet Maligatsanginni, Paladinnikut KaujititsinginnaKut attutauKattajunik ammalu Kaujititsigasuanginnatut ikKanattoninganik avatik kamagijau-



Tunisimajangit ilingajunut ilinnianimmik tugâgutigitimmijangit takunnâgiamut Paladinnikut nunaliujunut ikajugasuagiamut piniannigijangit Malawi-mi ammalu Namibia-mi. Kâmpanet sutaijunik âkKigiasimajut ammalu angilligiatitsitlutik suliangujunik senanik ilinniavinni nunaliujuni Kanitangani Kayeleker ujananiavingani, sollu adjinguatigit Kângani.

giaKanninganik tukisitisigasuaKattajuillu ilonnainut suliaKattanginnut ammalu kântrâkkiKajunut. Avatik pini-annigijangit Kimiggutaunginnatuk ammalu piunitsautitauKattatlunillu, tamanna tunitsiKattavuk kâmpanikkut tigumiagamut piujummagimmik avatimmik allaKutinik.

Taimâtsainak kajusinginnamata Paladinnikut nigiugi-janginnik ammalu maligatsanginnik kamatsiaKattamata sivullimi nunatsuani piusigigialinginnik aulatsijanginnik ilinganiKagivut suliaKaKattajunut Kanuittailinimmut ammalu kamatsiagamut, kâmpanet atuKattavut maligatsaKatsiamagitulitik Nunatsuami SuliaKattet kamatsiagamut katutjiKatigenginnut Kanuittailinimmut ammalu kamatsiagamut malittaugialinnik ilonnanginnik ujuganniapvigijanginnik ammalu Kaujisapvigijanginnik suliangujunik. Tamakkua Nunatsuami SuliaKattet kamatsiagamut katutjiKatigenginnut iniKavut SiKingani Africa-mi, nanituinnak ilitagijauvut piusigijangit unuttumaginnut ujuganniatiujunut aulatsisongugiamut suliat-sanut Kanuittailinimmut ammalu kamatsiagamut.

Inigijanginni aulatsiKattatamminik, Paladinnikut sakKititsisimagivut nunaliujunut KaujititsisiaKattajut, inunnik ikajuKattajut ammalu nunaliujunik pivalliatitsi-Kattamijut. SuliaKaKatiKalimmata Kanitanginnik nuna-liujunik, Paladinnikut nalunaititsiKattavut suliat-sanik piunippaugasuattunik atuttaugiaKakKotunik nunaliuju-nut ammalu atutlutik uppigusotigijanginnik kâmpanet. Africamegami ilinganiKatsialaukKut imaKautinginnik, niKitsait tugâgutet, tungavet piunitsautitulugit ammalu ikajuKattatlutik ilinnianet suliat-sanginnik pigiannimit tikitlugu puttujunut ilinniatauKattajunut.

Kanulli tamanna tukiKalikKâ Michelinniup Suliangujumun?

“Paladinnikut ilisimajangit pivalliamut Kâjotsajannik ujugannianimmik ammalu sangijumik Kaujimajautsia-mata ammalu avatimmut ilinganiKatsiatlutik nunaliujuni Kanitanginnik aulatamminik sakKititsisiavuk ilinganiKatsianiattut Michelin Suliat-sanganik,” uKavuk Mr. Dumville. “kâmpanet sutaijunik Kâjotsajannik suliangujunik ilonnainik pivalliaKattajanginnik pannaiguti-Kammijut tamakkuninga sakKititsigiamik senanik jârinik Kaijuni. Michelin Suliangujuk nâmmaKatsiamagittuk pigutsagamut tamatsumunga tugâgutigijanginnik.”

Kaujimajangit Aurorakkut sulikattangit ikKanattolan-gavut Paladinnikut kajusitsiagamut sivumuagamut. PannaigutiKatlutik tigumiagamut kâmpanet atinganik, Aurora Ikumaligijet, ammalu amangattilugit Aurorakkut suliaKapvingit.

“Paladin takunnâvut piujummagimmik ilinganiKajumut Kikkanganit Ujugannianimmik,” nâjivuk Mr. Dumville.

Kaujigiallagumaguvit pitjutigillugit Paladinnikut, aigajakKusi kâmpanikkut Kagitaujatigut Kaujigatsanginnik omunga:



www.paladinenergy.com.au



Tingjokkut tigujausimajuk Paladinnikut Langer Heinrich ujuganniajanga Namibia-mi.

Tukisigiamut nunalet Kanuttogutigijanginnik Aurorakkut mânnakut Kaujitsigalaniemata

Nâmmasiasiammata silanga Januar KikKangani pivit-saKattisilaukKuk Aurorakkunik utigiamut Labradorip satjugianganut pijagegiambut nunalijuunik Kaujimatitsigalagiamik pigiasilauttanginnik Novempera 2010-imi. Tamakkua katimannet, ‘tukisigiamut nunalet Kanuttogutigijanginnik-kiugalagiamut apitsotigijaujunik pitjutiKajunik Michelin Suliangujumik’, âkKitauluasimalaukKuk senanik apigijauluaKattajunik kiugiamut tusasimajanginnik nunalimmiunit jârini Kângisimajuni KaujimatitsiKattasimagatta nunaKajunut Labradorimi. kajusitsialaukKugut unuttumaget sakKiKattalaummata.

Apitsotigijaulautttut uKâlajunit ukuangusimavut:

- Sunauvâ Aurorakkut avatimmut tungavinga suliangujuk ammalu Sunait sakKisimavân?
- Sunanik Michelin Sulianga pusiKalâkKâ nunanga?
- Kanulli Aurorakkut aulatsiKattalâkKân pujuunik aulatsilippata? Pujunga ilimanattong?
- Kanulli radon attuiKattalâkKâ inunnik ammalu omajunik?
- Ujaganniavik ilimannatunik sakKititsilâkKâ Kanitanganejunik avatimmik ammalu omajunik?
- Kanulli suliaKattet paigijaugutiKavân ujaganniavik aulataulimman?
- Kanulli Aurorakkut kamatsialutik aulatitsiKattalâkKân ujaganniatammining taijaujumik yellowcake-ngunigâttamik?
- SujuKagajakKâ Aurorakkut piulimatsivingit imaKautingit ajuligajappata?
- Kina kamatsiaKattaniakka Aurorakkut aulatsigaluammangâmmik kamatsialuting?
- Kanuk pijuKagajakKâ nukKangattitausimanginga pejausimalippan?



John Roberts, Aurorakkut AngajukKângata Tulia Avatimmut, uKâlâpviKajuk nunalimmiunik Rigolettimi.

“Tusasimajavut inunnik uvattinik uKautitsivuk uKautigisimajavut ikajusimavuk Kaujimajaungitunik Kaujimatitsigiamik pitjutigitlugit Kâjotsajannik ujaganniagiamut,” uKavuk Ches Andersen, Aurorakkut AngajukKângata Tullia, Labradorimi Suliangujunut. “Ammalu piujualunuk apitsuKattalautttut nunalimmiunit ammalu pitjutigitlugit Kanuk ujagannianik aulatauKattalâmmangât ullu tamât. Tigusimajavut tâpsumangat nunalimmiut piunit-samik tukisilittut sunaummangât Michelin Suliangujuk ammalu Kanuk kamagijaugajammangât Kâjotsajait kamatsialutik, ilagillugullu piusituKait piniannet.”

Ilagijangit uKâlautaulaummijut takunnâlautttut ikil-liumigasuannimik attuigajattunik ujagannianimit ilinganiKajunut pinasuannimik, mikigiannianimmik ammalu katitsuigalagiamik suliangujop Kanitangani. Michelin Suliangujuk takunnâvut Kanuk Aurorakkut suliaKammangâmmik tumigijaujunik Suliangujumit ammalu nalunaitsilaugivut mikijumik inigijanganik attutaulangajumut ujagannianimmit, akKutinginnit, ammalu asinginnik tungavigijanginnit. Suliangujuk piusitsanga sakKititsigasuaniakKuk ilaliugutilinnut atunginnagiamut ilonnganik nunanganik, taimâtsinaullunilla ujaganniatet suliaKatinginnik ammalu kinakkutuinnanik ânnitauKunnagit.

Tukisitsigiamut Kanuk otânattuit aulatauniam-mangâmmik ujaganniavimmi, suliaKattivut atulaukKut Kaujimajaugettunik pisimajunik aulatauunik Kâjotsajannik ujaganniavunuk Saskatchewanimi takutitsigiamut nâmmatunik kamagiamut pujuunik, otânattunik ammalu imanginnik tigumiatsiasimavut Kanuilugatik moose-et ammalu tuttuKutingit Kanitangini inigijaujunik ujaganniataujuni. Inuit suli pinasuanginnatut ammalu nigikattatlutik tâkkuninga omajunik attuilugatik inosinginnik.

Inositsiagittotigasuannimut ammalu kamatsiagiamut uKâlautaulaummijuk katimaniammata. “unuttumaget inuit tatamilautttut Kaujigiamut Kâjotsajannik ujaganniavunuk Canadami ilanginnik tigumiavut piunippâmik kamatsiatigijunik ânelugatik ujaganniaviutuinnangi-



Januarami Kaujimatitsiniammata sivulliutluni anginippâmik sakKituKalaukKuk nunalimmiunit takulauttauvuttinik KipukKami jârini Kângisimajuni Kaujimatitsisimaligatta.

tumi, tâvatuak asinginnik sanattiujunut piniannigijaukattajunut, sollu Kijuliginimmik upvalu sanattet suliaKapvinginni,” uKavuk Mr. Andersen. “Asigiallait maligatsatâtausimajut Kâjotsajannik uJagannianimmik, ilautillugit silatâni kamagijaukattajunik, sangijut maligatsait ilingajunut ingiggautiliginimmik, ammalu inositsiagittotigasuannimut ammalu kamatsiagamut malittaugialinnik, kajusitsiavuk ilingajunut suliaKattajunut ininginni ammalu uvattinut iniKajunut Kani-tanginni nunaliujuni.”

Lela Evans, Aurorakut Aulatsijinga Avatiliginimmi, kamasimajuk ammalu ilauKataukattatluni Aurorakut tungavingani avatimmut suliangujunut taimanganit kâmpanikkunut ilauKataugiasilaunningarik 2008-imi. Kaujimatsigalaniemata, Ms. Evans pivitsaKalaukKuk uKâlaKatiKagiamik nunalimmiunik suliaKattajunut ininginni ammalu uvattinut iniKajunut Kani-tanginni nunaliujuni.”

Avatik Kaujisattauninga kamagijaullagijaugialet angijunik uJaganniatuKaniappat akKutingatigut Avatik Kaujisattauninga Canadakkut. SuliagijauluaKattavut katitsuigiamut Kaujigatsanik pitjutigillugit Kanuk avatinga piusiKammangât pivalliaKâgatic. Kaujisannet ikKanatovut maggonik pitjutiKaluammata. Sivullipânga, KaujigatsatâKattavugut sanasonguniagatta ilanginnik ilinganiKajumut Michelin Suliangujumut. Kaujimagamut avatinganik aulatsivigijavuttini pivitsaKattisvuk sanagiamut kamatsiagamut ammalu akuni tungaviKasongugiamut angijumik attuulugata nunanganik ammalu inunginnik. kingullia, avatik Kaujisattauninga ikajuvuk kâmpaniujunik ammalu kavamaligijujunik kamagiamut, ikajutluni Kaujimagamut asianguKottunik sakKijunik suliangujop piniannigijajunit.

“Kaujijauluasimajuk atuniKatsiujuk ikkianga ammalu imangit Michelin nunanganik piujummaget, ilimanaKalu-

gatic, sollu pujunik, kikiatsajannik upvalu otânattunik,” uKavuk Ms. Evans. “Ammalu omajuit ottutausimannigigit pisimajunik mikijunik omajunik ammalu iKalunnik, napvâlaungitut piungitunik ilimanattunik.”

“Kaujilaugivugut pinasuatsiaKattangitut, iKalunniasiaKattalungit ammalu katitsuisiaKattangitut ininginni uJagannaviup ammalu siKallevingita iningani, asinginnik atuttauluaKattajuni. MikigianniaviKavut nalunaitausimajumit Nunatsiavut kavamangâtâ Kaujigatsanginnik. Tamanna takutitsivuk angijumik attuinalungituk piusituKannik piniannigijaukattajunik Taggani Satjugiami nunaKajunut.”

Aurorakut uKâlasimajangit adjiliuttausimajuk Kipuk-Kami Januar 10-imi. Apitsutausimajut uKâlasimajut atuinnauvut asiagut adjiliuttausimajumit Aurorakut Kagitaujangita Kaujisapvinginni iluani adjinguattalinnik: www.aurora-energy.ca/video-gallery.

Takuniagajakkusi Kagitaujanganik iligiallagiamut.



Sheldon Andersen sâlaKajut ukkuami aittosiangani nalunaikkutammik Lela Evansimit, Aurorakut Aulatsijinga Avatiliginimmik, katimatitsiniagatta Makkovimmi.

Kaujigiallagumaven suliansanik ammalu ilinniagutinnik?

Mânnakut Kaujititsigalaniaagatta, unuttumaget inuit apitsugalalauttut ilinniagatsanik ammalu suliansanik pitjutigitlugit Michelin Suliangujuk. Suliansait pâginânga Aurorakut Kagitaujanganik pitaKavuk adjiliuttausimajunik ammalu allatausimajunik Kanuittunik suliansanik atuinnaKalâmmangât Michelin Sulianga ammananganut. Ammalugiallak, UJagannaviiligijet Inuligijingit kaunsalingit atuinnaguttisisimajivut adjiliuttausimajunik pitjutiKavut Canadami UJagannianik suliaKattat nalunaitisvuk suliansagijanginnik ammalu ilinniataugialinnik.

Taikkununga suliansatâgumakKotunut Michelin Suliangujumut, takuniakKuvasi ukuninga atugajattasinnik:

www.aurora-energy.ca/careers

www.acareerinmining.ca/en/onlineresources/explore_more_video.asp

ApitsotitsaKaguvit upvalu uKâlagumaguvit? Uvattinik Kaujititsigitsi:

Happy Valley-Goose Bay
tel: 709.896.6777

Postville
tel: 709.479.9872

Makkovik
tel: 709.923.2204

www.aurora-energy.ca

aurora
energy to change the world